

「爸爸」考

黎錦熙

【引言】近來小學國語課本多濫用「爸爸」，不知非對稱時，北平語也以「父親」為適合。但此自是語言習慣和修辭上的問題。其實「爸爸」比「父親」古雅得多，特從《中國大辭典長編》和《宋元語詞廣音》兩稿中，抽出此詞，此次成文，發而表之，以見民衆力量之大云爾。

巴巴，八八，罷罷：爸爸也；爸爸，父也。（釋義）

按俞樾茶香室叢書三「巴巴媽媽」條云：

明王文祿龍興慈記云：「季巴巴，王媽媽，聖祖微時有恩鄰人也。登極後，召至，命工部造房與居，官其子。」按「巴巴」俗呼父也，字亦作「爸」。此二人殆翁媪歟？明文林瑤璵漫錄云：「趙氏乾娘，高皇義父之妻也，世襲指揮。」按此知明高皇有義父乾娘；季巴巴王媽媽殆亦此類歟？是則季「巴巴」者，明太祖微時之號父也；「爸」之省書，謂轉聲耳，當始於元。

「八八」字則始於唐。方以

智通雅十九：

「八八」乃達語之稱「巴巴」也。唐書德宗以懷光外孫燕八八爲後。『八八』蓋達語，稱老成者曰「八八」，或「巴巴」。今回回教以老成者呼「八八」，其聲近「把」。仙傳：陶八八肅宗時道士，以丹授顏真卿者。

按舊唐書一百二十一李懷光傳：「渤海靺鞨人也。貞元元年……懷光死時年五十七。……五年，又詔曰：……宜以懷光外孫燕八八賜姓李氏，名承緒，……承懷光之後。」疑燕八八實夷語人名，蓋懷光死時年僅五十七，其外孫不應遽爲「老成」人也。（後如元史中「八八」即爲人名；元史國語解：「巴拜，寶貝也。卷七作『八八』，係宗室諸王；卷四十五作保保，卷四十六作寶寶，卷九十五作伯八，卷一百十五作伯必，卷一百六十二作「巴八」，卷一百八十六作「八把」，非一人，併改。）按元史尚有卷三十九之「八八」，卷一百六之「八八罕」等，皆人名也。又查通鑑二百三十三載此事亦作「燕八八」。胡三省注：「燕，於

歲翻，姓也。」似亦解爲姓燕名「八八」者。然新唐書（二百二十四上）則將「八八」二字刪去，作「以外孫燕賜姓李」，似「八八」固通稱而非特名，所謂「少年老成」者歟？（新唐書每喜刪去舊書俗語，已成通例。）證以所引仙傳（當爲仙傳拾遺；按李石續博物志云：「陶八八授顏真卿碧玉丹，見列仙傳」），唐代似當有此俗稱。惟當時不必爲夷語（方氏所謂「夷語」，謂從外國語遂譯之音也），且不必與「爸爸」「巴巴」有關（「八」入聲字，唐時尚顯明，不易混入他聲），殆原於「伯」，「伯」亦入聲，今南方俗稱長者亦多曰「伯伯」也。——南人曾稱長者，亦曰「爹」「爺」，則「父」訓也；故「伯」之與「父」，析言以釋親則異，渾言以表敬則一。今故以「八八」入本條，「伯伯」別見，互爲譯焉。（如南通方言呼伯叔輩曰「ㄉㄉㄉ」，自是「伯」字，今北平語呼夫之兄曰「大伯子」，亦音「ㄉㄉ」上聲，而孫錦熙則以「爸爸」字當之，非也。）

「巴巴」可爲父老之解，又可證之南洋華語。清張廣陵方言別錄（卷四叢書內）引南洋觀察記：「南洋所遺華人，自稱曰唐人，亦曰巴巴。」此殆因昔時土人之尊稱而用之成器者歟？

『巴』『八』皆疊用；單用則每疑以「阿」，如今方言中有呼父曰「阿巴」者（見楊羣泰客語本字）是，而韓愈文中亦有「阿八」（賈思勰鹽山新志引以避「爺」字），亦猶「阿爺」「阿爹」之類也。

「巴巴」「八八」，今北語已無平入之異；然字者不用。北語呼「父」，通作「爸爸」，讀去聲，國語採爲統一之稱呼；亦不得她稱一般老成人，習慣然矣。例如

有一家子，只有父女兩個。他『爸爸』四十來歲，他女兒十七八歲……（老殘遊記六，頁五六，石印本作「老子」。）

被他『爸爸』回來，一頭碰見。（又，石印本亦改作「老子」。）

按：『爸』字起於中古，始見曹魏張揖（三世紀初）之廣雅（卷六，釋親），訓「父也」（王氏無疏）。隋書音韻學：「步可切」。玉篇「蒲可切」，廣韻「捕可切」，義皆同。是惟讀音異於今之ㄉY（去聲），蓋濁紐，又上聲果韻，當讀ㄉY（ㄉ加濁號，已點上聲）；依國音例，當讀ㄉ上聲；但依「濁上變去」之例，則讀ㄉY去聲，與今僅韻母Y之異矣；葉韻始收入去聲韻韻：「麻書切；舉人呼父曰爺。」

廣雅，鄭但及玉衡，史記齊據正字通矣。又如翟灝通俗韻亦但引玉衡，惟云：「其字今隨方俗高下，轉爲四聲：讀平曰巴，上甲把，去曰霸，入曰八」，則過論也。

『爸』之舊讀ㄉY，字亦轉作「波」，正字通所謂「蜀謂老爲波」是也。又謂「宋景文謂波當作蟠，黃山谷贊涪，號涪蟠」。則黃亦號「涪翁」，「蟠」然老翁，文人取其義耳，與『爺』「波」並無關。

字彙，篇首復出一「嘗」字，正字通曰：「爸爸之鵠」。蓋俗書之繁體字也。

字亦有作「罷」者，宋時閩人呼父爲「郎罷」，如黃山谷送秦少游詩：「但使新年勝故年，即如常在郎罷（一本作郎伯）前」。證以集韻，似可說爲『爸』之同音字，別詳『郎罷』。疊用『罷』字者，稱謂錄一：「閩東呼父爲『罷罷』」。不詳出處，當卽現代方言，則亦『爸爸』之別字矣。

【附註】篇中所舉方言，但引或書，其實應作實際調查。現在學術機關正在着手。俟其成績發表後，再行修補。

國語週刊

Gwoyeu Joukan

付 錄

「爸爸」考	黎錦熙
秦音談瓊	荻舟
歌謡譯註	失名
國語漫談（二十九）	老撻
伏羲	

